

745/21/10873

პროვინციული თავისუფლების გზით - პირველი თავისუფლების გზით
პროვინციული თავისუფლების გზით - პროვინციული თავისუფლების გზით



საქართველო

საქართველოს სახალხო ფრონტის
საზოგადოებრივ-პოლიტიკური გაზეთი

№ 7 (34)

6 აპრილი

1991

ქრისტე აღსდგა! - ჭეშუმარიტად!



გმრლოდმოვილი ქა და სიტყუა მამისა,
 ჯუარს დამსჭულაული, ნაფსით თუსით ვნაბული,
 ურნაფოთა გუამული,
 ყურივილის ცამად მოსრული,
 საზღავესა დადაბული და დაბაჭდული
 სიკუდილისა დამსჯალი
 და გნელისა დამსნელი,
 დმართი შუაწარალი,
 არსებით უმცაველი
 და უვნებელი
 ყოვლად შუაწაბალი
 დაუბადებელი,
 დაუსრულებელი,
 ცხოვრების მომცამელი,
 ქრისტე აღდგომილ არს გკუდრათით
 და ცხოველ არს იგი
 ან და უკუნისამდე.

მიქაელ მოდრუკილი

საქართველოს
ქრისტე აღსდგა
პირველი თავისუფლების
გზით

გვისტოლა პარტიათა მიმართ

ნება მომეცით, მე, არსებულ პარტიათა გარეშე მდგომს ადამიანს, გამოვსთქვა ჩემი აზრი და გრძობა იმ მოვლენის შესახებ, რომლის მოწამენი ვართ ქართულის გაზეთების მკითხველი. დიდა რევოლუციამ, ქალაქში რომ მოზდა, ყველას მოგვანიჭა თავისუფლება აზრის გამოთქმისა და შეძლება მოქმედებისა ყოფილის წეს-წყობილების დასარღვევად და ყველა-სათვის სასურველი ახლის დასამყარებლად. ცხადია, ჩვენი აზროვნების და მოქმედების ქვაკუთხედად ამ თავად უნდა იყვეს ხელის შეწყობა იმ დროებითი მთავრობისა, რომელსაც ახლა ხელთ უპყრია სახელმწიფოს მართვა-გამგეობა და თავს უდგია ახალი წეს-წყობილების დამყარება. ზოგიერთი ძირითადი ცვლილებანი დროებითმა მთავრობამ თვითონვე გამოაცხადა აუცილებლად და შეუდგა კიდევ მათს განხორციელებას, ხოლო სრული ცვლილების მოსახდენად და წეს-წყობილების დასამყარებლად იგი გვპი-

რდება დამფუძნებელი კრების მოწვევას.
 როგორც მოსალოდნელი იყო, დროებითი მთავრობის მოქმედება არ იწვევს არავითარ წინააღმდეგობას და ყველანი, ვინც შეუწყებულნი იყვნენ უწინდელი მთავრობისა და წეს-წყობილებისაგან, სავსებით ემხრობიან ახალ მთავრობას და მოვალეობად სთვლიან ხელი შეუწყონ მას. მოსალოდნელი იყო, რომ ჩვენი პარტიები ამისთანა წუთში დაივიწყებდნენ ძველ მტრობას და ქიშობას და, ხელი-ხელ ჩაკიდებულნი იმუშაებდნენ. მაგრამ, სამწუხაროდ, ამას არა ვხედავთ. შეთანხმების მაგიერ ჩვენი გაზეთების ფურცლებზე ისეთი ლექსებით ლანძღვენ ერთმანეთს ორ ბანაკად დანაწილებული პარტიების წარმომადგენლები, რომ თმა ყალყზე უდგება ამ პარტიათა გარეშე მდგომ პირთა და აფიქრებინებს, ვაი, თუ ამგვარ მტრობა-ქიშობას ქვეყნის დამღუპველი შედეგი მოჰყვება.
 ერთი პარტიის პუბლიცისტები მე-

ორე პარტიის გამოსვლას რეაქციონულად და კონტრ-რევოლუციონურად სთვლიან, მეორე პარტიის მწერლები კი პირველი პარტიის საქციელს მამულის ლალატად ნათლავენ. ამაზე მეტად ურთიერთობის გამწვავება შეუძლებელია. ერთმანეთის ლანძღვასა და ბრალდებაში ისე შორს წავიდნენ ჩვენი პარტიების მესვეურნი, რომ საკმარისია ერთი ნაბიჯი წინ წადგან, რომ დაერივნენ ერთმანეთს იარაღით და დაიწყონ ქლეტა ერთის მხრით „რეაქციონერებისა“ და „კონტრ-რევოლუციონერებისა“, მეორე მხრით „მამულის მოლაღატეებისა“. იმისთანა ხანაში, როგორშიაც ახლა ვართ, ადამიანთა გრძობიერება მეტად აღვილ-გასალიზიანებულია და იმისთანა ფიჭვი ბუნების ხალხში, როგორც ჩვენა ვართ, ჩნდებიან ხოლმე ფანატიკოსები, შეშლილნი როგორც მამულის სიყვარულზე, ისე რევოლუციის სამსახურზე. შესაძლებელია, ჩვენის გაზეთების კითხვით გაღიზიანებული ერთი ფანატიკოსი ეცეს დანით ერთი პარტიის ცნობილ წარმომადგენელს, ხოლო მეორე ფანატიკოსმა მეორე პარტიის აგრეთვე ცნობილ წარმომადგენელს დაუმიზნოს რევოლუერი.

ღმერთმა ნუ ჰქნას ეს, მაგრამ რომ მოხდეს, ნულარ გაგიკვირდებათ. აი, მაშინ დაიწყება ნამდვილი ლალატის, რეაქციაც და კონტრრევოლუციაც.
 ამისთანა მოვლენის ასაცილებლად საჭიროა, პარტიების კალმოსნები ჩაუფიქრდნენ თავიანთი მოქმედების ხასიათს. ან მოსპონ სრულებით ერთმანეთის წინააღმდეგ ისეთი ხასიათის ლაშქრობა, როგორსაც ახლა აწარმოებენ, ან ისე გააზომიერონ, რომ საშიში არ იყოს ფანატიზმის აღძვრა. ეს მით უფრო შესაძლებელია, რომ მიზეზი ჩვენი პარტიების უთანხმოებისა დღევანდელ დღეს — ეროვნული კითხვა — ჩემის ღრმა რწმენით, არც ისეთი ხასიათისაა, რომ მის გარეშე არ შეიძლებოდეს პარტიათა შეთანხმება. რამდენადაც მე ვიცნობ ჩვენი პარტიების პროგრამას და აზრს, ხსენებული კითხვის შესახებ, მათი შეუთანხმებლობა არის ერთმანეთის გაუგებრობის და ჭიუტობის შედეგი. უნდა მოისპოს გაუგებრობაც და ჭიუტობაც.
 დავით ტარიზაშვილი.
 „საქართველო“,
 1917 წლის 21 მარტი.

